

নিবিড় নিশীথে

পঁহুঁছিলাম এই বনে গতগানি বিহঙ্গসঙ্গীতে

বসিলাম সুরভিন্সিদ্ধ শিহরিত মাধবীর তলে.....

শেষশয্যা হ'ল মোর তারি ঘান ঝ'রে-পড়া দলে ।

অনাগত ভবিষ্যের বক্ষে আমি যুগে যুগে প্রতীক্ষায় ছিলাম জাগিয়া
হায় বন্ধু, তোমারি লাগিয়া !

চিরস্থির অতীতের মসীকালো অতল সাগরে

এখনি মিলা'তে হ'ল । হিয়া মোর গুমরিয়া মরে !

নবীনের সাথে তুমি হয়তো রহিবে অন্তর্যমণা—

আমার কোথায় শান্তি ? বল, বন্ধু, কোথায় শাস্তনা ?

মিটিল না অন্তরের সাধ ;

একবার বল' শুধু ;—ক্ষমিয়াছ মোর অপরাধ ?

“বর্ষ-বিদায়”

কত স্মৃতি কত আশা

কত ব্যথা ভালোবাসা

বক্ষে ধরি' বর্ষ এক মাগিছে বিদায়,

আজি তার শেষ এ সন্ধ্যায় ।

পশ্চিম আকাশে

অস্ফুট আভাসে

বর্ষান্তের শেষ রবি-রেখা

একে দিছে বিদায়ের লেখা ।